

Publicaziun: «Frankfurter Seilschaften 2023»

Invit a giuvnas auturas svizras ed ad auturas svizras che s'identifitgeschan sco FINTA da sa participar a la Frankfurter Buchmesse 2023

Suenter il simposi «Frauen* im Literaturbetrieb» e la premiera reussida «Frankfurter Seilschaften» l'onn passà envida la Pro Helvetia en cooperaziun cun A*dS auturas ed auturs da la Svizra puspè sis giuvnas auturas* da la Svizra ad in viadi communabel a la Frankfurter Buchmesse 2023.

La finamira è d'emprender d'enconuscher il manaschi da fiera, da sa barattar e crear raits cun collegas internaziunalas* e d'entrar en contact cun ulteriuras acturas ed ulteriurs acturs da la branscha litterara e betg il davos da furmar resp. rinforzar las relaziuns tranter las participantas. La visita da trais dis (**mesemna, ils 18 fin venderdi ils 20 d'october**) vegn accumpagnada da personas cun experientscha en il champ da la litteratura.

Tgi?

La publicaziun «Frankfurter Seilschaften 2023» sa drizza a giuvnas auturas* en ils emprims tschintg onns da lur lavur professiunala artistica suenter la terminaziun da la furmaziun professiunala u l'emprima preschentaziun d'ovra publica (nagina restricziun da vegliadetgna!).

La purschida sa drizza ad auturas professiunalas che s'identifitgeschan sco FINTA.

La premissa per sa participar è il dretg da burgais svizzer u in domicil permanent en Svizra sco er ina preschientscha regulara en la scena culturala svizra. Tut las linguas e tut las spartas litteraras èn admessas. Ils inscunters e las activitads a la Frankfurter Buchmesse han lieu en lingua tudestga u englaisa.

Tge?

Pro Helvetia finanziescha l'entir project. Ella surpiglia ils custs per hotel e viadi, las diarias ed ils custs per ils pass da fiera da las participantas.

Co?

Trametta Vossa annunzia (per D, FR, IT, E) a Sina Chiavi (ella), schiavi@prohelvetia.ch, cun las suandantas indicaziuns (**en ina suletta datoteca da PDF**):

- curt decurs da la vita (max. 1 pagina A4)
- scriver da motivaziun (max. 1000 segns)
- publicaziuns ed activitads d'enfin uss en il manaschi da litteratura

Pro Helvetia (partiziun da litteratura) tscherna las participantas fin ils 20 da settember, resguardond la diversidad linguistica e regionala.

Fin cura?

L'ultim termin d'annunzia è ils 13 da settember 2023